

պէս ծանրանում է արեան մի սոսկալի պարտա-
կանութիւն: Եւ դա գեղեցիկ խոստումներով
գոհացնել չէ կարելի, ինչ որ արուել է մինչեւ
օրս»:

Մարքվարտ այն ժամանակ չէր կարող ըս-
պասել, ի հարկէ, թէ Անդլիայի եւ միւս պե-
տութիւնների միջազգային յանձնառութիւննե-
րը Հայաստանի եւ հայերի հանդէպ՝ աւելի
արժէք չպիտի ունենային, քան սովորական
«գեղեցիկ խոստումները»: Եւ սակայն նրա հե-
տեւեալ խօսքերը ցոյց են տալիս, որ Մարք-
վարտ սկզբից իսկ լաւատես չէ եղել նման խոս-
տումների հանդէպ:

«Զինադադարի եւ հաշտութեան բանակ-
ցութիւնների մինչաջժեան ընթացքը, — ա-
սում է նա, — արդարացի կասկածներ են յա-
րուցում Դաշնակիցների խոստմանց ազնուու-
թեան մասին: Եթէ նրանց համար Հայաստանի
ազատագրութիւնը իսկապէս որ լուրջ հանգա-
մանք ունի, ինչո՞ւ ուրեմն անմիջապէս, զինա-
դադարի պայմանների մէջ իսկ պահանջ չեն
դրել եւ իրականացրել ամբողջ Հայաստանի
(մինչեւ Թուրքա) պարպումը տաճիկներից:
Վերստը հաւանօրէն չէ մոռացել այն շնական
պատասխանը, որ էնվէր փաշան տուել էր
Մորգենթաուին .

«Եթէ մենք պատերազմին յաղթական
դուրս գանք, ո՞վ պիտի մեզնից հաշիւ պա-
հանջի մեր զորքերի համար: Իսկ եթէ պիտի
պարտուինք, այդ դէպքում հօ մեր վախճանն
է եկել: Այդ պարագային հայկական հարցը մի
առանձին դեր էլ չի խաղայ արդէն»:

Էնվէրն այն ժամանակ կարո՞ղ էր մտքով
անցկացնել, որ Ռուսաստանը «սոցիալիստա-
կան-պրոլետարական» պիտի դառնայ, որ ինքը
2-3 տարի ետք Զինովիելների ու Ռատէքների
կողքին պիտի բազմի Բագուի համաժողովում,
նրանց գործօն օժանդակութեամբ էլ՝ ոտի
կանգնի գետին տապալուած թուրք պետութիւ-
նը: Պատմութիւնը եւ բնութիւնն իսկ դէմ էին
խօսում նման մի հրաշքի, ինչպէ՞ս հնարաւոր
համարէր այն էնվէր:

Զմանրանանք այս ցաւոտ խնդրի վրայ:
Որո՞նք էին, Մարքվարտի կարծիքով, այն
քաղաքական պահանջները, որ հայութիւնը
կատարեալ իրաւունքով առաջադրել կարող էր

Տաճկաստանին եւ Դաշնակիցներին, որպէս
վերականգնուող ազգային պետութիւն:

Ըստ էութեան ա՛յն, ինչ որ այն ժամանակ
հայկական գրեթէ բոլոր շրջանների պահանջն
էր:

Առաջին հերթին, գրում էր Մարքվարտ
1919-ին, «Հայաստանի Հանրապետութեանը
պիտի կցուին Տանկահայաստանի այն մասերը,
որոնք գրաւուած էին ռուս բանակների կող-
մից» (1917): Բայց մի՞թէ, շարունակում է նա,
տաճիկների ձեռքին պիտի մնան Փոքր Հայքը,
որ հայերը իրենց քրտինքով ու արիւնով են ու-
ռողել ու պարարացրել, Կիլիկիան, որ հայ
ասպետները եւ հայ գիւղացիները ծաղկեցրին .
մի՞թէ դրանք «ծոյլ ու բարբարոս թիւրքին
ձեռքը պիտի մնան... Ո՛չ, անհրաժեշտ է, որ
հանդիսաւորապէս երաշխաւորուի, հայ ազգի
սեփականատիրական անկապտելի իրաւունքը
իր պատմական ամբողջական հայրենիքի վը-
րայ, մէջն առնելով Փոքր-Հայքն ու Կիլի-
կիան... Միայն այդ պարագային կարող է
Հայաստանը վերստին ու յաջողապէս պատմա-
կանօրէն իրեն վիճակուած դերը խաղալ, — լի-
նել կապ Արեւմուտքի եւ Արեւելքի միջեւ: Որ
հայերը ոչ միայն քաղաքացիական, այլ եւ ա-
ւելի բարձր մշակոյթի, գեղարուեստի մէջ մեծ
արժէքներ կարող են արտադրել, որով եւ քա-
ղաքակիրթ ժողովուրդների կատարեալ համա-
կըրանքին արժանանալ, այդ էլ ցոյց է տալիս
Յօգեփ Ստրժիգովսկիի(7) մեծահաստոր ու խիստ
չահեկան՝ «Հայկական ճարտարապետութիւնը
եւ Եւրոպա» աշխատութիւնը:

Թող առարկութիւն չարուի թէ՛ հայերը
սոսկալի դէպքերից յետոյ շատ են նուազել, թէ՛
նրանք ի վիճակի չեն այդ ընդարձակ տարա-
ծութիւնները լիցնել: Հայերը մալթոսական-
ներ չեն եւ դեռ միջին դարերում, 6-րդ դա-
րից սկսած մինչեւ 12-րդ դար, այն էլ ոչ շատ
աւելի լաւ պայմաններում քան այժմ, բնակ-
չութեան յաւելումներ են արտադրել: Նորա-
հիմն հայ պետութեան կոչը զաղութահայու-
թեան՝ վերադառնալու հայրենիք եւ վերակեն-
դանացնելու այն, կենդանի արձագանգ կը

7) Այդ աշխատութեան մասին յոյս ունինք,
որ առիթ կը լինի խօսելու այս էջերում: